

Izveštaj o radu Vijeća nacionalnih manjina Federacije Bosne i Hercegovine za 2012. godinu

Na osnovu odredbi Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“ broj 58/08), te Odluke o osnivanju i imenovanju članova Vijeća nacionalnih manjina Federacije Bosne i Hercegovine, koju su usvojili oba doma Parlamenta Federacije Bosne i Hercegovine („Službene novine Federacije BiH“, br. 79/09, 52/11 i 80/11), imenovani su članovi Vijeća nacionalnih manjina Federacije Bosne i Hercegovine, uz uredno obavljenu proceduru predlaganja i izbora, kako je to Ministarstvo pravde Federacije Bosne i Hercegovine propisalo a Dom naroda i Predstavnički dom Parlamenta Federacije Bosne i Hercegovine potvrdili. Konstituirajuća sjednica održana je 15. 02. 2010. godine.

U 2012. godini Vijeće nacionalnih manjina Federacije Bosne i Hercegovine, održalo je sedam sjednica: 16. sjednica - 17. 01. 2012. godine; 17. sjednica - 07. 03. 2012. godine; 18. sjednica - 19. 04. 2012. godine; 19. sjednica - 05. 06. 2012. godine; 20. sjednica - 27. 09. 2012. godine, 21. sjednica - 05. 11. 2012. godine i 22. sjednica - 27. 12. 2012. godine.

Na žalost, i poslije skoro tri godine od konstituisanja Vijeća nacionalnih manjina Federacije Bosne i Hercegovine, još uvijek nisu riješeni osnovni uslovi za rad, što je ozbiljna prepreka. Tako se i tokom ove godine Vijeće nacionalnih manjina Federacije Bosne i Hercegovine bavilo elementarnim problemima – davanjem saglasnosti na Poslovnik o radu i Statut Vijeća nacionalnih manjina Federacije Bosne i Hercegovine, obezbjeđivanjem sredstava za rad Vijeća nacionalnih manjina Federacije Bosne i Hercegovine, podmirenjima troškova putovanja i naknadama članovima Vijeća nacionalnih manjina Federacije Bosne i Hercegovine. Aktualiziranje starih problema je dalo rezultate te je određena osoba koje će voditi zapisnike i stručno pratiti rad Vijeća nacionalnih manjina Federacije Bosne i Hercegovine, a jedna u svojstvu administrativno - tehničkog sekretara, čiji je angažman, na žalost prestao sredinom decembra, dogovoreno je da će se memorandum koristiti kao i do sada, rješavanje pitanja upotrebe pečata je u toku, riješeno je pitanje protokolarnog broja, kreirana je službena e-mail adresa, izrađene su legitimacije, te je Vijeće nacionalnih manjina Federacije Bosne i Hercegovine predstavljeno na zvaničnoj web stranici Parlamenta Federacije Bosne i Hercegovine. Također, krajem novembra usvojeni su Poslovnik o radu i Statut Vijeća nacionalnih manjina Federacije Bosne i Hercegovine.

Uprkos tome, Vijeće nacionalnih manjina Federacije Bosne i Hercegovine je sastanke održavalo u skoro punom sastavu i nastojalo da u okvirima datih mogućnosti radi i doprinese poboljšanju položaja nacionalnih manjina u Federaciji Bosne i Hercegovine, participira u radu brojnih radionica, seminara i savjetovanja u organizaciji vladinog i nevladinog sektora, te domaćih i međunarodnih organizacija.

Tokom godine, uprkos teškoćama i problemima u funkcionisanju Parlamenta Federacije Bosne i Hercegovine, ostvarena je saradnja sa administrativnim komisijama oba doma Parlamenta Federacije Bosne i Hercegovine, što je rezultiralo donošenjem odluke o naknadama i putnim troškovima članovima Vijeća nacionalnih manjina Federacije Bosne i Hercegovine. Na žalost, ta odluka je djelimično provedena jer Vijeću nacionalnih manjina Federacije Bosne i Hercegovine za decembar prošle i ove godine nisu isplaćene naknade do momenta pisanja ovog izvještaja, kao ni dio naknada za putovanje članovima koji dolaze izvan Sarajeva, a što je još važnije nisu odobrena sredstva za rad Vijeća nacionalnih manjina Federacije Bosne i Hercegovine.

Vijeće nacionalnih manjina Federacije Bosne i Hercegovine se u više navrata obraćalo premijeru Federacije Bosne i Hercegovine i ministru finansija Federacije Bosne i Hercegovine. Odgovor je dobijen tek poslije nekoliko mjeseci i to premijerov ured traži od Federalnog ministarstva finansija Izvještaj o dešavanjima vezano za Vijeće nacionalnih manjina Federacije Bosne i Hercegovine (koje se već drugi ili treći put obraća Premijeru Federacije Bosne i Hercegovine). Pomenuto ministarstvo je ranije Vijeće nacionalnih manjina Federacije Bosne i Hercegovine uputilo prema Parlamentu Federacije Bosne i Hercegovine i na administrativne komisije oba doma Parlamenta Federacije Bosne i Hercegovine. Da ne bi došlo do propusta, napomenuto je da su svi dosadašnji materijali (Plan rada za 2012. godinu, Finansijski plan za 2012. godinu sa dugom za 2010. i 2011. godinu i pismo koje je upućeno Premijeru Federacije Bosne i Hercegovine), upućeni Federalnom ministarstvu finansija.

Nastojeći pokrenuti sve mehanizme koji mogu doprinijeti rješavanju aktuelnih problema Vijeća nacionalnih manjina Federacije Bosne i Hercegovine, razgovaralo se i sa predstavnicima Institucije ombudsmena u Bosni i Hercegovini i upoznalo ih se sa problemima kroz koje prolazi Vijeće nacionalnih manjina Federacije Bosne i Hercegovine. Obaviješteni smo da su Ombudsmeni za ljudska prava Bosne i Hercegovine obavili razgovor sa predstavnicima oba doma Parlamenta Federacije Bosne i Hercegovine, odnosno Izmirom Hadžiavićem, sekretarom Doma naroda Parlamenta Federacije Bosne i Hercegovine i Dobrilom Pletikosom, sekretarom Administrativne komisije Predstavničkog doma Parlamenta Federacije Bosne i Hercegovine i predstavnicima komisija za ljudska prava i slobode oba doma Parlamenta Federacije Bosne i Hercegovine, a na kojem je konstatovano da je izostala koordinacija u radu tijela i organa u Parlamentu Federacije Bosne i Hercegovine koja treba da riješe naše probleme. Ombudsmeni će pratiti provođenje dogovorenog. Sa našim problemima upoznata je i organizacija "Vaša prava" i čije mišljenje nikada nismo dobili.

Tako su komisije za zaštitu ljudskih prava i sloboda oba doma Parlamenta Federacije Bosne i Hercegovine podržale inicijative austrijsko – njemačke zajednice i Etnografskog udruženja ruske, rusinske i ukrajinske nacionalne manjine, te predstavnika Rumuna koji, shodno Zakonu o zaštiti prava pripadnika nacionalnih

manjina u Federaciji Bosne i Hercegovine žele da participiraju u radu Vijeća nacionalnih manjina Federacije Bosne i Hercegovine.

Predstavnici nacionalnih manjina koji su zatražili ulazak u članstvo Vijeća nacionalnih manjina Federacije Bosne i Hercegovine, u međuvremenu dok se ovi problemi ne riješe, učestvuju u radu bez prava glasa.

Vijeću nacionalnih manjina Federacije Bosne i Hercegovine su se obratili Jevrejska zajednica Bosne i Hercegovine koja je predložila da se u Vijeće nacionalnih manjina Federacije Bosne i Hercegovine imenuje predstavnik jevrejske nacionalne manjine, kao i šest udruženja Roma koji su predložili da se u Vijeće nacionalnih manjina imenuje pripadnik romske nacionalne manjine. Vijeće nacionalnih manjina je podržalo ove prijedloge, te je urgiralo prema komisijama za zaštitu ljudskih prava i sloboda oba doma Parlamenta Federacije Bosne i Hercegovine da podrže navedeni prijedlog kao i da se ispoštuje prethodno dostavljeni i usvojeni prijedlog za imenovanje Austrijanaca, Nijemaca, Rumuna, Rusa, Rusina i Ukrajinaca u sastav Vijeća nacionalnih manjina Federacije Bosne i Hercegovine.

Pitanje, odnosno imenovanje novih članova još nije stavljeno na dnevni red domova Parlamenta Federacije Bosne i Hercegovine.

Tokom ove, kao i ranijih godina, Vijeće nacionalnih manjina Federacije Bosne i Hercegovine učestvuje u radu sa Vijećem nacionalnih manjina Bosne i Hercegovine. Poseban dio toga su aktivnosti oko izmjene Ustava Bosne i Hercegovine vezane za presudu Sejdić – Finci, te saradnju sa Fondacijom „Kristijan Švarc Šiling”, a vezano za projekat za nacionalne manjine - radionica u cilju jačanja naših kapaciteta.

Po ko zna koji put svi navedeni dopisi su ponovo poslani svim relevantnim predstavnicima, predsjedavajućim i sekretarima oba doma Parlamenta Federacije Bosne i Hercegovine, predsjednicima administrativnih komisija oba doma Parlamenta Federacije Bosne i Hercegovine i komisijama za ljudska prava oba doma Parlamenta Federacije Bosne i Hercegovine, te zajedno sa Izvještajem o radu za 2011. godinu, te Planom rada i Finansijskim planom za 2012. godinu, i Federalnom ministarstvu finansija kako bi se riješilo pitanje finansiranja Vijeća nacionalnih manjina Federacije Bosne i Hercegovine, kao i Vladi Federacije Bosne i Hercegovine, tačnije premijeru uz poziv na Odluku o osnivanju i imenovanju članova Vijeća nacionalnih manjina Federacije Bosne i Hercegovine i Zakon o zaštiti prava pripadnika nacionalnih manjina u Federaciji Bosne i Hercegovine. Iako sve traženo u ovoj godini nije riješeno na zadovoljavajući način, na sve pomenute adrese upućeni su i Izvještaj o radu za 2012. godinu i Plan rada i Finansijski plan za 2013. godinu.

Rad Vijeća nacionalnih manjina Federacije Bosne i Hercegovine je djelimično finansijski podržan 2012. godine.

Vijeće nacionalnih manjina Federacije Bosne i Hercegovine je u svom radu koristilo podršku koju su pružale međunarodne organizacije i učestvovalo u izradi Nacionalne

strategije za rješavanje pitanja nacionalnih manjina Bosne i Hercegovine, u organizaciji OSCE-a, u sedam oblasti (Ekonomska, socijalna i kulturna prava, Očuvanje i razvoj kulturne baštine nacionalnih manjina, Obrazovanje nacionalnih manjina, Pristup nacionalnim manjinama medijima i informacijama, Političko učešće nacionalnih manjina, građanska i politička prava i Prekogranična saradnja) na Jahorini – 5. i 6. mart; u Sarajevu – 15. maj i Banjaluci – 4. do 6. juli, te u Budvi u organizaciji EU/OSCE-ODIHR susretima vezanim za ljudska prava i izradi Izvještaja o stanju ljudskih prava u Bosni i Hercegovini - pokrovitelj Ministarstvo za ljudska prava i izbjeglice Bosne i Hercegovine, te radionici CCI vezano za saradnju nevladinog i civilnog sektora i vladinog sektora.

Članovi komuniciraju i sa ambasadama zemalja koje imaju svoje predstavnike u Vijeću nacionalnih manjina Federacije Bosne i Hercegovine.

Razmatrali su se i problemi vezani za popis stanovništva 2013. godine, kao i loše strane Izbornog zakona, čije odredbe treba mijenjati. Vijeće nacionalnih manjina Federacije Bosne i Hercegovine je od svog nastanka insistiralo na dosljednoj primjeni Zakona o zaštiti prava pripadnika nacionalnih manjina u Federaciji Bosne i Hercegovine, posebno člana 17. pomenutog zakona.

Reagovalo se na žalbu Sakiba Mustafića iz Kiseljaka kod Tuzle, koji se obratio Vijeću nacionalnih manjina Federacije Bosne i Hercegovine zbog diskriminacije vezane za pripadnost nacionalnoj manjini. Njegova žalba je prosljeđena komisijama za ljudska prava i slobode oba doma Parlamenta Federacije Bosne i Hercegovine, te je o tome obaviješten žalilac, ustanova na koju se žali, ombudsmeni i Ministarstvo za ljudska prava i izbjeglice Bosne i Hercegovine. Reagovalo se i na problem Damira Mujića što sve ukazuje na težak položaj marginaliziranih grupa nacionalnih manjina, pa je s tom svrhom potrebno i uključivanje predstavnika Vijeća nacionalnih manjina Federacije Bosne i Hercegovine u rješavanje ovih problema još više nego do sada i aktivnosti nevladinih organizacija s vladinim, a koje se tiču položaja i prava nacionalnih manjina. Razmatrao se i problem obezbjeđivanja knjiga i školskog pribora djeci romske nacionalne manjine. Zaključeno je da je potrebno zatražiti odgovore kantonalnih ministarstava obrazovanja o navedenom pitanju koja Vijeće nacionalnih manjina Federacije Bosne i Hercegovine ni prošle godine nije dobilo.

S obzirom na uslove u kojima je radilo, Vijeće nacionalnih manjina Federacije Bosne i Hercegovine uradilo je mnogo, jer još uvijek, dio više puta pomenutih problema kao što je konačno rješenje pitanja administrativnog – tehničkog sekretara za podršku radu Vijeća nacionalnih manjina Federacije Bosne i Hercegovine, te sredstva za rad, naknade i putni troškovi članovima Vijeća nacionalnih manjina Federacije Bosne i Hercegovine, nije riješeno. Istovremeno, činjenica da nisu postojala sredstva za angažovanje stručnjaka – eksperata vezano za pravnu i finasijsku problematiku, onemogućilo je Vijeću nacionalnih manjina Federacije Bosne i Hercegovine adekvatnije i potpunije učešće u radu domova Parlamenta Federacije Bosne i Hercegovine i pojedinih komisija.

Sarajevo, 19. 02. 2013. godine